

Den AMBIENTE

POETS

CORONACION DI REINA "KIDS IN ACTION 1997" GOSSY-ANN ODUBER TABATA ALGO UNICO...



**** TREMENDO** mes tabata e forma unico y fantastico cu e prestigioso grupo "KIDS IN ACTION" a sa di organiza nan actividad carnavalesco, na unda nan a corona nan reina Gossy-Ann Oduber, kende lo bay representa "Kids in Action" durante e eleccion di Reina infantil 1997 diavie me proximo dia 24 di januari.

Ta di lamenta si di mira un publico hopi limita pa un evento asina bunita y cu sigur tabata rekeri un trabao hopi duro pa realiza. Loke e organisadornan di "Kids in Action" a presenta durante e atardi magnifico aki, sigur tabata merece un publico mucho mas grandi.

Sumamente placentero y agradable e publico cu a asisti a goza durante e coronacion aki. Un pro-

grama hopi bon hinca den otro, na unda e publico a disfruta un mundo di e fabuloso presentacionnan di nos futuro estreyanan. Tabatin actuacion di nos popular gruponan di baile manera: Popcorn dancers, Le Chick Dancers y Xanadu Dancers. Mientras cu Francela Jacobs Reina infantil Tumbarito, Josey Kock Reina juvenil Tumbarito y Analia Rasmiyn Reina juvenil Roadmarch a percura pa doma e actividad aki den algo unico.

Loke tambe tabata unico tabata na momento cu di sorpresa Gossy-Ann Oduber a drenta den Club di Trappers riba su carosa apoya musicalmente pa e brassband Energy y acompaña pa su grupito tur na blaas den un ambiente di

jump-up.

Algo unico tambe tabata e momento cu "Kids in Action" a ilustra nan bunita costumnan cu nan lo bay presenta durante e paradanan di mucha. Tambe formidable tabata presentacionnan di nan propio show di baile manera esun di train, burning flame y carnaval. E.M.C. di e evento aki tabata na encargo di Maikito Croes, kende sigur a realiza un tremendo labor.

DEN AMBIENTE ta felicita "KIDS IN ACTION" pa nan bunita actividad y ta desea nan Reina Gossy-Ann Oduber hopi suerte pa e titulo y tambe pa nan goza di un dushi carnaval 43 na unda semper "KIDS IN ACTION" TA NA CABEZ...

BOEDOEM E UNICO CU LO CUBRI PRESENTACIONNAN DI D2U-365 NA NEW ORLEANS



**** E programa** camavalesco "Boedoem" di Radio Galactica, e aña aki ta sumamente agresivo tresiendo den forma di primicia y exclusividad tur e noticianan mas relevante di nos Carnaval 43. E aña aki "Boedoem" a bin fuertisimo bishitando e personanenan clave na nan propio cas, trabao of unda cu nan por ta. Ta danki na e programa di "Boedoem" cu tur e otro programanan di carnaval por a haya sa e noticianan EXACTO, ya cu a keda demostra cu e programa aki ta asina agresivo cu hasta e otro programanan ta sigui "Boedoem" na unda cu e bay. Pues den style di "Monky see, Monky Do"! E siman aki mes tabata DANKI na "Boedoem" cu a sali na cla cu e reunion no tabata entre SAC y ASOMA manera e otro radionan tabata plama, pero tabata ASOMA y e comishon di Gobierno. Tabata riba un yamada di un oyente cu a bisa "Boedoem" cu tur e otro radio-emisoranan ta anunciando cu tin un reunion entre SAC y ASOMA, pero cu el a mira Milo Croes den Banco y con por ta posibel cu SAC ta reuniendo sin su presidente! Na e momentu ey "Boedoem" a dicidi di bay averigua e asunto aki, y

dicho hecho a topa cu dos radio-emisora ta campando den e solo cayente pafor di oficina di Gobierno, debi cu a ser prohibi pa nan drenta. Den un forma espectacular "Boedoem" a logra di drenta den e edificio di Gobierno y a logra tambe pa entrevista Mech Croes, kende a declara cu ningun momento nan ta den reunion cu SAC. Na e momento ey a keda demostra cu tur e otro radio-emisoranan tabata den sintonia di "Boedoem" pasobra e noticia exclusivo aki a dal nan asina duro, cu envez di acepta, nan a cuminsa ta critica "Boedoem" y hasta nan kier a bente den riool. E pret historico tabata cu e radio-emisora cu ta pretende di ta mas cayente cu e solo, tabata HAZA den nan solo mas cayente, perdiendo nan tempo pa e noticia exclusivo, mientras "Boedoem" tabata dushi den airco ta SCORE bay GOALLLL. E siman aki "Boedoem" ta bay SCORE hopi GOAL, ya cu tur e radio-emisoranan ta bayendo Curacao pa e festival di Tumba, mientras cu "Boedoem" lo ta e UNICO na NEW ORLEANS cubriendo e presentacionnan di D2U-365 den forma di EXCLUSIVIDAD..

HILDWARD GROES DEN FULL SWING PA E CALYPSO & ROADMARCH CONTEST...

**** Ayera** DEN AMBIENTE a sorprende Hildward Croes den Crystal Factory ta trahando riba su produccionnan pa e Calypso & Roadmarch Contest cu lo bay tuma lugar diasabra otro siman dia 25 di januari "DIA DI BETICO GROES".

Aña pasa Hildward Croes y su Dushi Band a cosecha exitonan grandi hunto cu Teddy Philips cu e roadmarch "Break A Way". Prome cu e roadmarch aki a bira un exito, Teddy Philips a bay residencia na Alemania y no a disfruta di su

exito. E aña aki tambe lamentablemente Teddy Philips no ta na Aruba pa participa durante e Calypso & Roadmarch Contest.

Hildward Croes no kier a los nada kico e mes tin prepara hunto cu Dushi

Band pa e Calypso & Roadmarch Contest, pero si a los cu e ta trahando riba un produccion hunto cu Chucho Hoek pa E.Q.O. y a pone hopi enfasis cu e produccion aki lo bay dal masha duro mes!..

